

BIZIAN GORA ALTZUSTAN



1

Zeanuritik gora
Barazar gainera,
biderdi inguruan
ezkerrekaldera.
A zer ikuskizuna
begien aurrera!
Horixe dozu, lagun
Altzusta berbera.

2

Etxe txuri politez
airoso jaso,
Gorbeiatik begira
dirudi usoa.
Hau da guk maite dogun
Altzusta auzoa,
munduan bizitzeko
bai txoko gozoa!

3

Kanpoz zoragarria
daukazun itxura,
barruz barriztatzeak
ez deutsu ardura?
Hor daukazu San Migel
zaindari modura,
zuzen ibili zaitetz
Gorbeiako Kurutza
aurrez-aurre dago,

4

Bera da gure Jabe,
holan zan lehenago.
Bera behar dogu-ta
gero ta gehiago,
guztiok bere alde
jo daigun ordago.

5

Bizia dan guztia
egiten da zahartu,
holan gure fedea
itxura dau hartu.
Bizian Gora dator,
ez gero baztatu!
Bizirik irauteko
guztiok alkartu.

6

Bizigarri baten zain
hainbeste denpora,
nahi bai, baina ez jakin
nundik eta nora.
Ordu onean dator
gaur Bizian Gora,
ondo etorri bedi
Altzusta auzora!

A. Martzel